

存神燒香

香官使者左右龍虎君侍香諸靈官當令臣
午朝陞壇行道之所自然生金液丹碧芝英
百靈聚真交會在此香火爐前令臣學道得
道求仙得仙齋官蒙福幽顯沾恩十方仙章
玉女接待蘭煙傳日向來所啓之誠速達徑

御
至真無極大道

中天二大尊帝

九皇玉宸道君 御前

出堂頌

引至幕

謝師

靈寶領教濟度金書卷之二百十二

靈寶領教濟度金書卷之二百十三

洞微高士開光啟者真人蒙 全真授
靈寶通玄弘教水南先生林豐真編

科儀立成品琉璃

晚朝行道儀

啓堂頌

各禮師存念如法

宣衛靈呪

五星吉耀瑞炁飛浮元始集神天地交周

玉符寶節嘯命微幽擲火揚威奸凶無留

萬魔振伏紛葩却消摧怪伐惡道惡周流

神光照夜陰翳俱消萬仙降格扇景乘馳

群生成遂惠遍神州

鳴法鼓二十四通

發爐

無上三天九皇玉帝當召九皇靈官飛龍騎

吏綉衣使者三炁正神急上關啓玄壇土地

方域神真臣今晚朝陞壇行道謹奉為入意

其諸丹悃已錄奏聞願得

元皇正炁來合臣身令臣所啓速達徑御

至真無極大道

中天二大尊帝

九皇玉宸道君 御前

請稱法位

具位奉行玄靈瓊瑛妙齋法事小炁臣某與

臨壇官衆等謹同誠上啓

斗極祖師洞真大道元始天尊斗極宗師洞

玄大道太上道君斗極真師洞神大道太上

老君玉皇大天尊玄穹高上帝斗中之尊天

皇大帝斗中之主紫微大帝北斗高上玉皇

尊帝君太微玉帝玄卿大帝君北斗太尉陽

明貪狼玉晨君北斗上宰陰精巨門玉晨君

北斗司空真人祿存玉晨君北斗遊擊玄冥

文曲玉晨君北斗斗君丹元廉貞玉晨君北

斗太常北極武曲玉晨君北斗上帝天關破

軍玉晨君北斗玉帝洞明外輔玉晨君北斗

帝真隱光內弼玉晨君斗中天罡萬真節度

奎光帝君北斗九皇夫人九陰內妃三台華

蓋星君三官五帝九府四司斗中道德諸君

無鞅聖衆六十甲子本命星君玄中大法師

三天大法師寶上真人二仙使者九宮官屬
一切真靈臣聞河圖三奇昭虛無之妙混
元六甲彰變化之靈功凌空則履機衡以回
飛宴坐則乘魁罡而激指三五以變運豁落
以耀神奇四七為常首攝提而移節度萬靈
統御群品裁成日等普奉真宗期修至道佩
玉清洞陽之錄迹混紛葩綴紫宸御景之班
志期霄漢素履敢干於邪見丹衷克證於玄
功日月如馳風雲莫際聖垂教法盡宣化以
同仁天降吉祥庶承流而錫福凡有投告敢
不聞聞

宣詞

按如詞旨備切虔祈臣聞龍漢分精道冠大
千而御運鶴鳴演粹教弘正一以提封自金
闕之真尊敷玉垣之妙化功沾水陸真敬禮
而聖護持善及存亡鬼潛消而精伏匪倘罄
急難之惻俱蒙保護之恩齋主某負陰抱陽
戴天履地念野馬紛逐寧無謀身以謀家而
織鳥迅飛盡罄立功而立德惟仰玉杓於地
北實提金紀於天中請福延生作苦海慈悲

之掉消災懺罪為迷途智慧之燈爰肅蓬居
庸徽芝慳雨番臣衛拱真靈之金輝六府泰
階接璇璣之玉闕飛翠葆流精而下邁飄珠
播耀景以前驅夜烝玲瓏舞參旗於黃道霄
輝鬱勃瀉銀漢於碧虛鶴馭徘徊鸞和混合
探芻蕘之素橋鑿對菲之丹忱惠藹乾坤德
符幽顯以今晚朝陞壇行道請法眾等運茲
初捨上香

願此香煙騰空供養

至真無上道寶天尊臣等皈身皈神皈命五

體投地願以是功德上祝

皇帝陛下伏願道參無極德決有生頒朔授
時五紀契天輪之運提封御宇九畿逾地軸
之旋彰鴻福於億年歷龜齡於萬載后妃列
御端六宮而正君心太子諸王總百工而勵
臣節今故燒香自皈依
師尊大聖眾至真之德得道之後保天長存
和與道合真
以今晚朝行道請法眾等運茲二捨上香
願此香煙騰空供養

無上至真經寶天尊臣等皈身皈神皈命首
體投地願以是功德皈流齋主某伏願道生
性命德養精神韻協先容襲人和於貞操香
凝晚節邀天爵於孤標霄輝融眷序之華正
系謁門庭之麗芝蘭挺秀垂燕翼以傳芳矯
梓舒華攀龍麟而登美今故燒香自皈依
師尊大聖眾至真之德得道之後永保安寧
和與道合真

以今晚朝行道請法眾等運茲三捨上香

願此香煙騰空供養

無上至真師寶天尊臣等皈身皈神皈命首
體投地願以是功德皈流齋主某七祖九玄
三生四負幽關合識冥路曹僚並願離妄成
真明心證性超凌愛網辭五濁有漏之林解
脫窻機登九清無為之岸夜整陽回於暖律
寒庭春到於朝輪達性相空入一乘而六如
盡釋悟心法妙融三際而萬境俱空今故燒
香自皈依
師尊大聖眾至真之德得道之後身入無形
和與道合真

禮方 懺方

三啓頌

樂法以為喜 愛經如朱玉 持戒制六情
念道遺所欲 澹泊正氣停 蕭然神靜默
天魔並敬護 世世受大福

又

鬱鬱家國盛 濟濟經道興 天人同其願
縹緲入大乘 因心立福田 靡靡法輪昇
七祖生天堂 我身白日騰

又

大道洞玄虛 有念無不契 鍊質入仙真
遂成金剛體 超度三界難 地獄五苦解
悉歸太上經 靜念稽首禮

三禮

臣等志心稽首禮

太上無極太道

臣等志心稽首禮

三十六部尊經

臣等志心稽首禮

玄中大法師

卷二

三

重稱職位

具位奉行玄靈瓊璣妙齋法事小兆臣某與
臨壇官眾等謹重誠上啓
斗極祖師洞真大道元始天尊斗極宗師洞
玄大道太上道君斗極真師洞神大道太上
老君玉皇大天尊玄穹高上帝斗中之尊天
皇大帝斗中之主紫微大帝北斗高上玉皇
尊帝君太微玉帝玄卿大帝君中天大聖北
斗九晨上道君九皇夫人九陰內妃斗極玄
曹一切真宰 臣聞尊帝瓊宮降晨華而椿齡
行茂玄樞玉省承天芳而芝檢飛流惟通寂
感之玄斯契潛昭之妙况九皇垂象流精下
映於坤維而八卦成形稟粹上符於乾度仰
範圍而有翼每靈籙以無遺今齋主某待旦
翹勤競辰激切念營營遂景繼罪根而好羣
情袞袞乘塵入邪宗而迷真道况經緯戰无
於瑤曆而陰陽形闕於珠纒福祿權貴之奇
受中易背的劫刃刑之變臨下多違願消惡
以作豐亨宜迓福而臻泰長惟資善禱庶絕
惡緣爰遵玉笈之科式舉瓊章之典清淨堂

卷二

三

宇羅像世之威儀嚴置壇場備朝天之科法
伏願九靈錫命七元守形勅德曜以臨畿三
災消落勅威星而退舍百福來臻運限之枝
輪冰清身命之躔離玉潔南陵真屬為辟斥
於妖邪北斗靈神咸驅除於障厄眷序享春
臺之樂門庭臻厦屋之歡萬種如心千緣稱
意蒙羅敷於玄貺實衣被於洪恩上願國土
清平黔黎康泰西成東作倉箱寶而田野熙
熙春誦夏絃箕裘紹而里閭穆穆洪鈞塊北
皇極涵濡則上明
天尊大慈之化下副 臣等皈命之誠謹啓以
聞

發願

一願大道流行溥天懷德
二願一切有生咸皆悟道
三願九夜悲魂一時解脫
四願孤魂無依咸得受生
五願天下太平五穀豐熟
六願臣忠子孝君仁父慈
七願四海會同克親和睦

八願濟胞處卯咸得生成
九願積疾新病旋即痊愈
十願孤露衆生豐衣足食

存神燒香

香官使者左右龍虎君侍香諸靈官當令
晚朝陞壇行道之所自然生金液丹碧芝英
百靈衆真交會在此香火爐前令臣學道得
道求仙得仙齋官蒙福幽顯沾恩十方仙童
玉女接待蘭煙傳臣向來所啓之誠速達徑
御

至真無極大道

中天二大尊帝

九皇玉宸道君仰南

出堂頌

引至幕

謝師

靈寶領教濟度金書卷之二百十三

靈寶領教濟度金書卷之二百十四 章一

洞微高士開光啟普真人案全集授

靈寶通古秘教水南先生林靈真編

科儀立成品錄

單朝行道儀

啓堂頌

各禮師存念如法

宣衛靈呪

東方

九炁青天明星大神 煥照東鄉 洞映九門
轉場陽光 掃穢除氛 闡明童子 號曰玄卿
備衛我軒 上對帝君 收魔束妖 討捕兇群
奉承正道 赤書玉文 九天符命 攝龍驛傳
普天安鎮 我得飛仙

南方

三炁丹天 煥景浮光 熒星轉燭 洞照太陽
上有赤精 合契虛皇 開明靈童 號曰華房
總統火兵 備守玉堂 斬邪束妖 剪截魔王
北帝所承 風火莫當 流鈴交煥 胡衛壇場
正道流行 敢有巴狂 我享上功 坐運魁罡

億劫長存保天無疆

西方

七炁素天 太白流精 光耀金門 洞照太冥
中有素皇 號曰帝靈 保神安鎮 衛我身形
斷絕邪源 王道正明 官殿整肅 三景齊并

道合自然 飛昇紫庭 靈寶符命 普惠萬生

元皇正炁 來合我身 功加一切 天地咸寧

北方

五炁玄天元始徘徊 辰星煥爛 光耀太微
黑靈尊神 號曰層威 統冠飛天 仙裙羽衣
備衛五門 檢精捕非 敢有干誅 豁落斬推

玉符所告 神鎮八威 邪門閉塞 正道明開

映照我身 三光同輝 策空駕浮 舉形仙飛

中央

一炁黃天 調理乾坤 陶鑄陰陽 總統玄真

鎮星吐輝 流煥九天 開明童子 號曰天璣

元炁陽精 焰上朱煙 洞照天下 及臣等身

百邪摧落 殺鬼萬千 中山神呪 普天使然

五靈安鎮 身飛上仙

鳴法鼓二十四通